

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI RABU, 8 APRIL 2015, PUKUL 10.00 PAGI**

**Bil. 19**

---

**PERTANYAAN-PERTANYAAN BAGI JAWAB LISAN**

1. PR-1331-L65887  
**Dato' Haji Irmohizam bin Haji Ibrahim [ Kuala Selangor ]** minta **MENTERI KEWANGAN** menyatakan adakah Kerajaan bercadang mengkaji kaedah pengagihan BR1M dalam bentuk kupon atau baucar yang hanya boleh ditebus untuk barangan tertentu sahaja untuk memastikan penerima bantuan membelanjakan wang untuk tujuan yang sepatutnya sahaja seperti Program Bantuan Khasiat Tambahan (SNAP) di Amerika Syarikat.
2. PR-1331-L66377  
**Tuan Sim Chee Keong [ Bukit Mertajam ]** minta **MENTERI DALAM NEGERI** menyatakan mengapa Kerajaan masih memberi kontrak kepada MyEG untuk pengurusan permit kerja asing walaupun sudah ada sistem NERS. Adakah Kerajaan masih meneruskan perkhidmatan MyEG ini walaupun menerima banyak kritikan. Apakah sebabnya.
3. PR-1331-L66044  
**Datuk Aaron Ago anak Dagang [ Kanowit ]** minta **MENTERI KEMAJUAN LUAR BANDAR DAN WILAYAH** menyatakan jumlah projek dan peruntukan untuk mini-hydro yang telah dilaksanakan di negeri Sarawak.
4. PR-1331-L66623  
**Tuan Ahmad Marzuk bin Shaary [ Bachok ]** minta **PERDANA MENTERI** menyatakan apakah lagi alasan pihak Kerajaan untuk tidak menyerahkan jawatan pengerusi Majlis Keselamatan Negeri Kelantan kepada Menteri Besarnya untuk memastikan tindakan segera yang lebih lancar ketika saat kritikal operasi menyelamatkan dan memindah mangsa banjir.
5. PR-1331-L67469  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapa unit Perumahan Rakyat dicadang di Sarawak pada tahun 2015.

6. PR-1331-L65753  
**Tuan M. Kulasegaran [ Ipoh Barat ]** minta **MENTERI PENDIDIKAN** menyatakan sama ada Kerajaan berhasrat untuk mencapai dan membina kelas prasekolah di semua SJKT sebelum tahun 2020. Apakah status dan pencapaian oleh KPM untuk menubuhkan kelas prasekolah di SJKT. Berapakah kelas baru dimulakan pada tahun ini.
7. PR-1331-L66035  
**Tuan Anyi Ngau [ Baram ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah tindakan serta usaha pihak Kementerian di dalam memantau premis perniagaan di luar bandar agar tidak menaikkan harga barang serta perkhidmatan sewenang-wenangnya setelah perlaksanaan GST kelak.
8. PR-1331-L66721  
**Puan Teo Nie Ching [ Kulai ]** minta **PERDANA MENTERI** menyatakan jumlah pusat anak, pelajar, guru dan pekerja di Pusat Anak PERMATA dan jumlah peruntukan yang telah dibelanjakan untuk projek PERMATA ini.
9. PR-1331-L66053  
**Datuk Ahmad Jazlan bin Yaakub [ Machang ]** minta **MENTERI KEMAJUAN LUAR BANDAR DAN WILAYAH** menyatakan:-
  - (a) pelan tindakan yang telah dirangka bagi menaik taraf prasarana kampung yang masih dalam keadaan uzur supaya taraf kehidupan masyarakat luar bandar dan bandar tidak terlalu tinggi jurang perbezaannya; dan
  - (b) adakah Kementerian meneliti secara serius terhadap taraf hidup dan pembangunan masyarakat luar bandar kerana masih ada kawasan yang tidak mempunyai kemudahan asas seperti bekalan air bersih.
10. PR-1331-L66451  
**Tuan Lim Lip Eng [ Segambut ]** minta **MENTERI PENDIDIKAN** menyatakan jumlah sekolah antarabangsa dan sekolah swasta mengikut nama, negeri dan jumlah pelajar. Jumlah permohonan baru penubuhan sekolah antarabangsa dan sekolah swasta yang masih lagi di dalam proses dan apa cadangan Kerajaan untuk mengetatkan lagi syarat-syarat pelantikan guru di sekolah-sekolah tersebut.
11. PR-1331-L66502  
**Tuan Anuar bin Abd. Manap [ Sekijang ]** minta **MENTERI PERTANIAN DAN INDUSTRI ASAS TANI** menyatakan:-
  - (a) apakah keberkesanan pencapaian dan penglibatan belia dalam Program Agropreneur Muda yang diperkenal oleh pihak Kementerian sejak 2 tahun lepas; dan
  - (b) apakah pencapaian Program Jihad Memerangi Orang Tengah yang dilancarkan tahun 2014.

12. PR-1331-L66405  
**Dato' Johari bin Abdul [ Sungai Petani ]** minta **MENTERI DALAM NEGERI** menyatakan Prof. Azizah Kassim dalam seminar bertajuk *Nations Dilemma: Challenges of Illegal workers in Malaysia* di UKM pada 15 Disember 2014 merumuskan Program 6P tidak berkesan dan gagal menepati sasarannya. Adakah Kerajaan bercadang untuk menjemput semua pihak yang berkepentingan memberikan input dan pandangan agar program-program sedemikian dapat diteruskan dan mencapai matlamat bagi memastikan negara bebas daripada masalah ini yang terlalu lama tidak selesai.
13. PR-1331-L67366  
**Datuk Mas Ermieyati binti Samsudin [ Masjid Tanah ]** minta **MENTERI PERTANIAN DAN INDUSTRI ASAS TANI** menyatakan berapakah jumlah projek penternakan khinzir yang telah dan akan dilaksanakan di negara kita serta standard piawaian pemantauan yang dibuat terhadap saluran sisa kumbahan yang boleh mengakibatkan pencemaran.
14. PR-1331-L67150  
**Tuan Jeff Ooi Chuan Aun [ Jelutong ]** minta **MENTERI DALAM NEGERI** menyatakan memberikan statistik terkini mengenai penangkapan anasir-anasir pro-ISIS yang menggunakan Malaysia sebagai saluran transit serta pangkalan membuat rekrutmen. Adakah mereka ini sedang dikurung di Malaysia.
15. PR-1331-L66921  
**Dato' Ir. Haji Nawawi bin Ahmad [ Langkawi ]** minta **MENTERI PERDAGANGAN ANTARABANGSA DAN INDUSTRI** menyatakan pencapaian Dasar Automotif Nasional (DAN) 2014 sejak ia diumumkan pada Januari 2014 sehingga kini. Adakah sasaran DAN 2014 akan dapat direalisasikan mengikut jangka masa yang telah ditetapkan.
16. PR-1331-L66455  
**Tuan William Leong Jee Keen [ Selayang ]** minta **MENTERI LUAR NEGERI** menyatakan sebab-sebab untuk memanggil Duta Besar Amerika bagi komennya bahawa Perdana Menteri telah mengubah keputusan untuk memansuhkan Akta Hasutan dan kesan ke atas hubungan antara Malaysia dan Amerika Syarikat.
17. PR-1331-L66016  
**Dato' Shamsul Anuar bin Haji Nasarah [ Lenggong ]** minta **MENTERI PERTANIAN DAN INDUSTRI ASAS TANI** menyatakan:-
  - (a) kesan perubahan cuaca dan bencana banjir terhadap pengeluaran makanan negara; dan
  - (b) kesan dan sambutan pengguna terhadap usaha menurunkan harga barangan melalui pasar tani.
18. PR-1331-L65974  
**Puan Siti Zailah binti Mohd Yusoff [ Rantau Panjang ]** minta **MENTERI PENGANGKUTAN** menyatakan apakah usaha-usaha pemulihan terhadap perjalanan kereta api ke Pantai Timur dan pembelaan terhadap nasib pekerja KTM di Pantai Timur.

19. PR-1331-L66556  
**Puan Rubiah binti Haji Wang [ Kota Samarahan ]** minta **MENTERI BELIA DAN SUKAN** menyatakan sejauh mana keberkesanan projek perintis sukan yang dilaksanakan bagi menghasilkan atlet yang berprestasi tinggi dan mampu bersaing di arena antarabangsa.
20. PR-1331-L67311  
**Dato' Seri Abdul Hadi bin Awang [ Marang ]** minta **PERDANA MENTERI** menyatakan apakah hasil utama pertemuan dengan Presiden Indonesia Joko Widodo termasuk penyelesaian berkaitan isu pencerobohan nelayan.
21. PR-1331-L65565  
**Datuk Sapawi bin Ahmad Wasali [ Sipitang ]** minta **MENTERI KESIHATAN** menyatakan sejauh mana serius kes denggi di negara ini. Bolehkah diberikan statistik terkini dan apakah langkah drastik pencegahan.
22. PR-1331-L66395  
**Puan Nurul Izzah binti Anwar [ Lembah Pantai ]** minta **PERDANA MENTERI** menyatakan:-
- (a) apakah anggapan kos janakuasa nuklear, perincian kos dan kaedah pembiayaan, berikutan pengumuman ETP berkenaan EPP 11, iaitu pembinaan janakuasa nuklear di dalam negara; dan
  - (b) senaraikan lokasi-lokasi cadangan pembinaan janakuasa nuklear, serta laporan impak alam semula jadi pembinaan janakuasa nuklear ini.
23. PR-1331-L67422  
**Dato' Sri Azalina binti Dato' Othman Said [ Pengerang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh manakah pelaksanaan yang dijalankan oleh pihak Kementerian dalam mencapai 30 peratus wanita sebagai Pengarah dan memperjuangkan hak wanita dalam melibatkan diri dalam politik serta dipilih sebagai perwakilan wanita untuk menjadi calon.
24. PR-1331-L66917  
**Dr. Mohd Hatta bin Md. Ramli [ Kuala Krai ]** minta **MENTERI KEWANGAN** menyatakan apakah faedah dan kerugian yang diperolehi negara akibat kejatuhan harga minyak memandangkan Malaysia juga menjadi pengimport petroleum.
25. PR-1331-L66468  
**Ir. Shaharuddin bin Ismail [ Kangar ]** minta **MENTERI PERDAGANGAN ANTARABANGSA DAN INDUSTRI** menyatakan sejauh manakah peningkatan permintaan barangan elektrik dan elektronik (E&E) sepanjang 2010-2014 dan nyatakan perancangan Kementerian bagi meningkatkan industri E&E di negara ini.
26. PR-1331-L66488  
**Tuan Sim Tze Tzin [ Bayan Baru ]** minta **MENTERI PENGANGKUTAN** menyatakan jumlah juruterbang berdaftar di Malaysia. Berapakah orang Malaysia dan berapakah Orang Asing mengikut kategori, tidak terhad kepada, juruterbang kapal jet, helikopter, jet pejuang (*fighter jet*) dan sebagainya.

27. PR-1331-L65840

**Dato' Ar. Wan Mohammad Khair-il Anuar bin Wan Ahmad [Kuala Kangsar]** minta **MENTERI PENGANGKUTAN** menyatakan pihak Kerajaan bersama Kerajaan China dan Australia, telah mengklasifikasikan MH370 sebagai satu tragedi nahas yang menyayat hati, tetapi operasi pencarian MH370 masih diteruskan. Apakah kos operasinya dan sampai bilakah operasi ini akan diteruskan.

28. PR-1331-L67225

**Tuan Haji Nasrudin bin Hassan [ Temerloh ]** minta **PERDANA MENTERI** menyatakan pendirian Kerajaan berhubung Kumpulan-25 yang terdiri daripada para birokrat, korporat dan teknokrat.

29. PR-1331-L65809

**Dr. Noor Azmi bin Ghazali [ Bagan Serai ]** minta **MENTERI SUMBER ASLI DAN ALAM SEKITAR** menyatakan apakah pendirian Kementerian tentang penebangan hutan yang berleluasa dan bolehkah Kementerian menyenaraikan isu-isu dan tindakan segera dan jangka panjang tentang kejadian-kejadian di Cameron Highlands, Lojing, Gua Musang dan juga apakah kesan pada Taman Negara.

30. PR-1331-L66736

**Tuan Chua Tian Chang @ Tian Chua [ Batu ]** minta **MENTERI PENGANGKUTAN** menyatakan apakah sebab kotak hitam MH17 dihantar kepada United Kingdom untuk kandungannya diteroka. Kotak hitam QZ8501 telah diteroka di Indonesia. Adakah ini bermaksud Malaysia tidak mempunyai kepakaran berbanding Indonesia.

31. PR-1331-L66674

**Tuan Haji Hasbi bin Haji Habibollah [ Limbang ]** minta **PERDANA MENTERI** menyatakan bilakah pembinaan *high level tank* di jalan Ulu Pandaruan yang telah diluluskan oleh pihak ICU (JPM) bernilai RM4 juta akan dimulakan untuk memastikan air yang dirawat dapat dibekalkan ke kawasan di sepanjang Ulu Pandaruan dalam tahun ini.

32. PR-1331-L66128

**Tuan Ignatius Dorell Leiking [ Penampang ]** minta **MENTERI DALAM NEGERI** menyatakan nama pihak yang terlibat dalam sindiket Kad Pengenalan seperti yang diumumkan dalam Laporan RCI Sabah mengenai pendatang asing yang diberikan kad pengenalan dan adakah mereka ini telah didakwa di Mahkamah.

33. PR-1331-L66352

**Dato' Haji Abdul Rahman bin Haji Mohamad [ Lipis ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan adakah pihak Kementerian mempunyai website pengkalan data tentang harga barang-barang yang sepatutnya dijual dengan harga sebenar bagi memudahkan pengguna membuat perbandingan sebelum melakukan pembelian.

34. PR-1331-L65618  
**Laksamana Pertama Mohamad Imran bin Abd Hamid (B) [ Lumut ]** minta **MENTERI DALAM NEGERI** menyatakan status siasatan Report Polis No. 65/2002 di Balai Polis Sitiawan Perak oleh Encik Wong Kee Teh @ Ling Ging Chai ke atas Ling Leong Peng kerana melesapkan wang syarikat dan apakah penemuan dan tindakan ke atas kes ini. Kelewatan siasatan seolah-olah berlakunya ketidakadilan kepada pihak Wong Kee Tee @ Ling Ging Chai. Adalah dikatakan Ling Leong Peng merupakan seorang peguam yang berpengaruh.
35. PR-1331-L67101  
**Datuk Seri Panglima Haji Abdul Ghapur bin Haji Salleh [Kalabakan]** minta **MENTERI KESIHATAN** menyatakan semenjak Kementerian menubuhkan Hospital Jantung di Kota Kinabalu, Sabah:-
- (a) berapa ramaikah doktor-doktor pakar dalam bidang-bidang yang berkaitan ditempatkan di hospital tersebut; dan
  - (b) berapakah kes pembedahan 'by-pass' dan seperti yang dijalankan di hospital tersebut setiap bulan.
36. PR-1331-L67387  
**Tuan Liew Chin Tong [ Kluang ]** minta **MENTERI PENGANGKUTAN** menyatakan bilakah pembinaan projek Landasan Kereta Api Berkembar (LKB) Gemas - Johor Bahru akan bermula, jangkaan tarikh siap dan sama ada LKB Johor akan siap di bina sebelum projek kereta api laju (HSR) Kuala Lumpur-Singapura disiapkan.
37. PR-1331-L66806  
**Datuk Juslie bin Ajirol [ Libaran ]** minta **MENTERI SUMBER MANUSIA** menyatakan jumlah terkini keseluruhan pekerja sehingga suku pertama tahun 2015 di Sabah, jenis industri yang mereka terbabit dan mengikut negara.
38. PR-1331-L65478  
**Dato' Kamarul Baharin bin Abbas [ Telok Kemang ]** minta **MENTERI KEWANGAN** menyatakan:-
- (a) usaha-usaha Kerajaan dalam memastikan tunggakan cukai yang bernilai RM6.4 bilion dapat dikutip semula daripada lebih 60 ribu pembayar cukai yang terdiri daripada syarikat berhad, syarikat sendirian berhad dan perniagaan tunggal; dan
  - (b) pendakwaan terhadap syarikat-syarikat tersebut serta jumlah nilai cukai yang terlibat.
39. PR-1331-L67434  
**Dato' Seri Tiong King Sing [ Bintulu ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan:-
- (a) senarai syarikat-syarikat, jumlah kuota subsidi mengikut harga/liter dan nilai kontrak serta bajet yang diperuntukkan untuk projek *Community Drumming* yang diluluskan di seluruh Sarawak mengikut zon bagi tahun 2015; dan

- (b) apakah keberkesanan pelaksanaan skim tersebut dan sejauh manakah ketelusan pemberian kontrak tersebut serta sama ada menikmati harga jualan bahan api yang sama dengan di bandar.
40. PR-1331-L66583  
**Tuan Zairil Khir Johari [ Bukit Bendera ]** minta **MENTERI PENDIDIKAN** menyatakan berapakah harga sewaan bagi setiap tapak menara pemancar 1BR1S yang dikenakan kepada YTL Communication, serta menjelaskan siapakah yang menanggung caj utiliti bagi menara-menara tersebut.
41. PR-1331-L66081  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI PEMBANGUNAN WANITA, KELUARGA DAN MASYARAKAT** menyatakan pencapaian Kementerian sehingga sekarang dalam usaha membantu golongan kurang berkemampuan dan program terkini dalam menyelesaikan isu kemiskinan dan senaraikan jumlah serta kategori penerima bantuan kewangan mengikut negeri.
42. PR-1331-L67200  
**Tan Sri Datuk Seri Panglima Annuar bin Musa [ Ketereh ]** minta **MENTERI BELIA DAN SUKAN** menyatakan pelaksanaan Program Parlimen Belia dan adakah ia mencapai matlamat Kementerian.
43. PR-1331-L65684  
**Datuk Johari bin Abdul Ghani [ Titiwangsa ]** minta **MENTERI PENGANGKUTAN** menyatakan penemuan sebarang bukti-bukti kukuh di dalam membantu penyiasatan dalam mengenal pasti pihak yang bertanggungjawab di dalam menembak jatuh pesawat MH17 serta apakah tindakan Kerajaan kepada pihak yang terlibat.
44. PR-1331-L65943  
**Dato' Dr. Nik Mazlan bin Nik Mohamad [ Pasir Puteh ]** minta **PERDANA MENTERI** menyatakan pelaksanaan Kanun Jenayah Syariah (II) Kelantan. Apakah komitmen yang akan diberi oleh Kerajaan pusat dalam menjayakan pelaksanaannya.
45. PR-1331-L65421  
**Dato' Seri Ong Ka Chuan [ Tanjong Malim ]** minta **PERDANA MENTERI** menyatakan apakah usaha yang akan diambil oleh Kerajaan untuk mempromosi keharmonian, semangat muhibah dan kesederhanaan di kalangan rakyat yang terdiri daripada masyarakat majmuk di negara ini.
46. PR-1331-L66202  
**Datuk Zahidi bin Zainul Abidin [ Padang Besar ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah Kementerian akan memperbanyakkan Kedai Rakyat 1Malaysia (KR1M) yang membolehkan rakyat membeli barangan dengan harga lebih murah di kawasan-kawasan kependudukan rakyat berpendapatan rendah dan sederhana di seluruh negara.

47. PR-1331-L65782  
**Tuan Wilson Ugak Kumbong [ Hulu Rajang ]** minta **PERDANA MENTERI** menyatakan adakah terdapat perancangan untuk menyalurkan peruntukan bagi membina jaringan jalan raya ke Hulu Baleh sebagai persediaan pembinaan Empangan Baleh bagi mengelakkan senario yang sama terjadi semasa pembinaan Empangan Bakun.
48. PR-1331-L65954  
**Dr. Che Rosli bin Che Mat [ Hulu Langat ]** minta **PERDANA MENTERI** menyatakan status kajian penerimaan masyarakat mengenai loji tenaga nuklear dan hasil kajian beberapa tapak cadangan loji nuklear.
49. PR-1331-L65824  
**Tuan Wan Hasan bin Mohd Ramli [ Dungun ]** minta **PERDANA MENTERI** menyatakan mekanisme yang digunakan dalam proses tanam semula getah dan sawit melibatkan peneroka FELDA.
50. PR-1331-L65789  
**Tuan Idris bin Haji Ahmad [ Bukit Gantang ]** minta **MENTERI KESIHATAN** menyatakan kenapakah kanak-kanak yang berumur 7 tahun ke bawah tidak layak mendapat kemudahan rawatan percuma di Hospital Kerajaan.
51. PR-1331-L66762  
**Tuan Che Mohamad Zulkifly bin Jusoh [ Setiu ]** minta **MENTERI DALAM NEGERI** menyatakan langkah Kerajaan dalam menyekat penjualan akhbar asing tanpa permit di negara ini daripada berulang.
52. PR-1331-L65661  
**Dato' Othman bin Aziz [ Jerlun ]** minta **PERDANA MENTERI** menyatakan sejauh manakah pelan tindakan mitigasi dan adaptasi bagi mengatasi bencana banjir akan diperhalusi dan dirangka bagi melancarkan prosedur operasi standard (SOP) oleh Majlis Keselamatan Negara (MKN) bagi menangani bencana banjir pada masa hadapan kelak.
53. PR-1331-L66219  
**Tuan Charles Anthony Santiago [ Klang ]** minta **PERDANA MENTERI** menyatakan sumber kewangan (*source of funding*) sebanyak RM22 bilion untuk membina dua loji nuklear di Malaysia.
54. PR-1331-L67170  
**Datuk Ikmal Hisham bin Abdul Aziz [ Tanah Merah ]** minta **MENTERI KEWANGAN** menyatakan secara terperinci tentang kesan penyusutan nilai ringgit terhadap imbalan dagangan negara.
55. PR-1331-L66258  
**Dato' Mohd Ariff Sabri bin Abdul Aziz [ Raub ]** minta **MENTERI KEWANGAN** menyatakan:-
- (a) berikutan kenyataan Arul Kanda CEO 1MDB yang menyatakan, baki dari jumlah USD2.318 bilion yakni USD 1.103 bilion juga telah '*fully redeemed*', di manakah wang tersebut disimpan; dan
  - (b) tidakkah USD2.318 bilion digunakan untuk membayar RM2 bilion hutang dengan konsortium bank Malaysia.



56. PR-1331-L65736  
**Tuan Ahmad Baihaki bin Atiqullah [ Kubang Kerian ]** minta **PERDANA MENTERI** menyatakan Hentian Putra yang menjadi terminal bas utama untuk perjalanan ke Pantai Timur telah ditutup dengan rasminya pada Januari 2015. Adakah pihak Kerajaan berhasrat untuk membina sebuah terminal yang baru bagi menggantikan tempat tersebut dan bilakah serta di mana tempat baru yang dicadangkan.
57. PR-1331-L67233  
**Dr. Michael Jeyakumar Devaraj [ Sungai Siput ]** minta **MENTERI PERTANIAN DAN INDUSTRI ASAS TANI** menyatakan penyakit "kulat" yang sedang menyerang pokok-pokok pisang di beberapa kawasan di Malaysia. Apakah punca penyakit itu dan apakah cara untuk mengatasinya.
58. PR-1331-L66939  
**Tuan Mohd Rafizi bin Ramli [ Pandan ]** minta **PERDANA MENTERI** menyatakan jumlah yuran yang dibayar kepada Tan Sri Shafee Abdullah untuk mengendalikan kes-kes bagi pihak Peguam Negara sejak 2008 hingga kini dan apakah Kamar Peguam Negara tidak cukup berwibawa untuk mengendalikan sendiri kes-kes ini.
59. PR-1331-L66599  
**Datuk Liang Teck Meng [ Simpang Renggam ]** minta **MENTERI DALAM NEGERI** menyatakan adakah Kerajaan bercadang untuk mewajibkan pelaksanaan semakan rekod jenayah bagi warga asing yang ingin melawat dan bekerja di negara ini memandangkan semakin banyak kes jenayah yang dilakukan pekerja asing dan warga asing yang mengancam ketenteraman awam.
60. PR-1331-L65492  
**Dato' Takiyuddin bin Hassan [ Kota Bharu ]** minta **PERDANA MENTERI** menyatakan kesan pewujudan Akta Laut Wilayah 2012 (Akta 750) terhadap kedudukan dan operasi PETRONAS terutama mengenai Kontrak Perkongsian Petroleum (PSC) yang dimasuki oleh PETRONAS.
61. PR-1331-L67162  
**Puan Hajah Normala binti Abdul Samad [ Pasir Gudang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah bangunan perumahan, bangunan awam dan bangunan perdagangan/perniagaan yang masih belum mendapat *Certificate of Fitness* (CF) atau *Certificate of Completion and Compliance* (CCC) tetapi sudah pun diduduki atau dimasuki dan apakah langkah yang diambil oleh pihak Kementerian bagi memastikan semua pemaju dan pemilik mendapatkan sijil perakuan tersebut.
62. PR-1331-L65704  
**Datuk William @ Nyallau anak Badak [ Lubok Antu ]** minta **MENTERI KEMAJUAN LUAR BANDAR DAN WILAYAH** menyatakan berapa banyak lagi RTC (*Rural Transformation Centre*) akan dibina di negeri Sarawak memandangkan ia begitu penting dan berkesan untuk membantu penduduk luar bandar mendapatkan maklumat dan khidmat Kerajaan kepada rakyat.

63. PR-1331-L65389  
**Tuan Khoo Soo Seang [ Tebrau ]** minta **MENTERI PENDIDIKAN** menyatakan sebab-sebab peratus pengambilan pelajar bukan Bumiputera telah jatuh secara mendadak pada pengambilan pelajar di Universiti Kebangsaan Malaysia (UKM) baru-baru ini. Nisbah palajar bukan Bumiputera hanya 15 peratus sahaja.
64. PR-1331-L67066  
**Dr. Mansor bin Abd Rahman [ Sik ]** minta **MENTERI KEMAJUAN LUAR BANDAR DAN WILAYAH** menyatakan dengan terperinci apakah sebarang langkah yang diambil Kementerian dalam mentransformasikan pekebun-pekebun kecil getah dalam usaha meningkatkan pendapatan mereka.
65. PR-1331-L66893  
**Dr. Haji Izani bin Haji Husin [ Pengkalan Chepa ]** minta **PERDANA MENTERI** menyatakan:-
- (a) kedudukan terkini saham Felda Global Ventures; dan
  - (b) adakah benar saham Felda Global Ventures mengalami kejatuhan yang teruk.
66. PR-1331-L67355  
**Tuan Mohamed Hanipa bin Maidin [ Sepang ]** minta **MENTERI KEWANGAN** menyatakan kenapakah Kerajaan enggan membenarkan Jawatankuasa Kira-Kira Wang Negara memanggil 1MDB bagi membuat semakan perihal perakaunan badan pelaburan kedua negara itu diaudit secara forensik oleh sebuah badan audit bebas.
67. PR-1331-L66323  
**Tuan Nga Kor Ming [ Taiping ]** minta **MENTERI PERTANIAN DAN INDUSTRI ASAS TANI** menyatakan sama ada terdapat ketirisan dan ke mana perginya subsidi tahunan beras 15 peratus campuran yang melibatkan jumlah subsidi RM540 juta.
68. PR-1331-L67346  
**Ust. Datuk Dr. Mohd. Khairuddin bin Aman Razali [ Kuala Nerus ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan tindakan yang akan diambil ke atas para peniaga yang menaikkan atau tidak menurunkan harga barang jualan mereka sedangkan Kementerian telah mengarahkan agar berbuat demikian. Dan apakah pula mekanisme yang digunakan untuk mengenal pasti dan mensabitkan mereka dengan kesalahan itu.
69. PR-1331-L67128  
**Tuan Gobind Singh Deo [ Puchong ]** minta **MENTERI DALAM NEGERI** menyatakan berapa laporan polis dibuat atas penama Paul Phua dan sama ada beliau ada rekod kesalahan lampau di Malaysia serta butir-butir penuh sabitan dan hukuman yang telahpun dikenakan ke atas beliau.
70. PR-1331-L66279  
**Tuan Su Keong Siong [ Ipoh Timor ]** minta **MENTERI DALAM NEGERI** menyatakan langkah-langkah yang telah diambil untuk mengekstradisi Koperal Sirul Azhar Umar ke tanah air untuk menjalani hukuman atas sabitan pembunuhan Altantuya Shaaribuu.

71. PR-1331-L65929

**Puan Alice Lau Kiong Yieng [ Lanang ]** minta **MENTERI DALAM NEGERI** menyatakan:-

- (a) jumlah bilangan pemilik senjata api yang berdaftar/mempunyai lesen (atau permit) di Sibu dan anggaran jumlah pemilik senjata api yang tidak berdaftar; dan
- (b) jumlah kes tembakan yang berlaku di Sibu sejak 2005-2015 dan jumlah kes yang dibawa ke mahkamah.

72. PR-1331-L65862

**Dato' Mansor bin Othman [ Nibong Tebal ]** minta **MENTERI PENDIDIKAN** menyatakan jumlah (bilangan) Sekolah-Sekolah Agama Rakyat (SAR) di seluruh negeri Pulau Pinang mengikut susunan Parlimen dan perincian bentuk-bentuk bantuan yang disalurkan kepada sekolah-sekolah tersebut di sepanjang lima tahun lepas.

73. PR-1331-L66686

**Dato' Ngeh Koo Ham [ Beruas ]** minta **MENTERI PERTANIAN DAN INDUSTRI ASAS TANI** menyatakan kenapa pada puratanya beras runcit dijual pada harga RM2.60 sekilo sementara purata harga pasaran antarabangsa adalah hanya RM1.30 sekilo sahaja. Berapakah subsidi dibayar kepada Bernas.

74. PR-1331-L67481

**Tuan V. Sivakumar [ Batu Gajah ]** minta **MENTERI DALAM NEGERI** menyatakan jumlah pelajar antarabangsa yang terlibat dalam aktiviti-aktiviti jenayah di negara kita. Apakah langkah-langkah yang diambil oleh Kementerian terhadap pelajar-pelajar ini supaya tidak menyalahgunakan permit masuk sebagai pelajar untuk tujuan-tujuan lain seperti perniagaan, pelacuran dan aktiviti-aktiviti jenayah yang lain.

**ATURAN URUSAN MESYUARAT DAN USUL-USUL**

1. (D.R. 9/2015) Rang Undang-undang Kanun Tatacara Jenayah (Pindaan) 2015 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (7 April, 2015)**  
  
**[ Menteri Dalam Negeri ]**
2. (D.R. 7/2015) Rang Undang-undang Kesalahan Keselamatan (Langkah-Langkah Khas) (Pindaan) 2015 **Bacaan Kali Yang Kedua**  
  
**[ Menteri Dalam Negeri ]**
3. (D.R. 12/2015) Rang Undang-undang Keterangan (Pindaan) 2015 “  
  
**[ Menteri di Jabatan Perdana Menteri ]**
4. (D.R. 13/2015) Rang Undang-undang Suruhanjaya Penerbangan Malaysia 2015 “  
  
**[ Menteri di Jabatan Perdana Menteri ]**
5. (D.R. 14/2015) Rang Undang-undang Suruhanjaya Sekuriti (Pindaan) 2015 “  
  
**[ Menteri Kewangan ]**
6. (D.R. 16/2015) Rang Undang-undang Pasaran Modal dan Perkhidmatan (Pindaan) 2015 “  
  
**[ Menteri Kewangan ]**
7. (D.R. 15/2015) Rang Undang-undang Kumpulan Wang Persaraan (Pindaan) 2015 “  
  
**[ Menteri Kewangan ]**
8. (D.R. 18/2015) Rang Undang-undang Antipemerdagangan Orang dan Antipenyeludupan Migran (Pindaan) 2015 “  
  
**[ Menteri Dalam Negeri ]**
9. (D.R. 17/2015) Rang Undang-undang Hasutan (Pindaan) 2015 “  
  
**[ Menteri Dalam Negeri ]**

10. (D.R. 23/2014) Rang Undang-undang Ahli Parlimen **Bacaan Kali  
Yang Kedua**  
(Saraan) (Pindaan) 2014

**[ Perdana Menteri ]**

11. (D.R. 1/2015) Rang Undang-undang Ahli Kimia (Pindaan) “  
2015

**[ Menteri Sains, Teknologi dan Inovasi ]**

12. **Menteri Dalam Negeri** akan mencadangkan:-

“Bahawa Majlis ini membuat resolusi menurut subseksyen (4), Seksyen 1, Akta Dadah Berbahaya (Langkah-Langkah Pencegahan Khas) 1985 supaya akta ini hendaklah terus berkuatkuasa bagi tempoh 5 tahun lagi mulai dari 15 Jun 2015.”

13. **Menteri Kewangan** akan mencadangkan:-

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

14. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Diperbadankan) membuat pelaburan dengan memperoleh sejumlah 10,000,000 unit saham biasa MyHSR Corporation Sdn Bhd, sebuah syarikat yang dimiliki sepenuhnya oleh Menteri Kewangan (Diperbadankan) pada nilai RM1 bagi satu unit saham.”

15. **Menteri Kewangan** akan mencadangkan:-

“Bahawa Majlis ini mengambil ketetapan iaitu menurut kuasa yang diletakkan padanya oleh Subseksyen 11 Akta Kastam 1967 supaya Perintah Duti Kastam yang dibentangkan di hadapan Majlis ini sebagai kertas statut bil. ST.81/2014, ST.99/2014, ST.4/2015, ST.5/2015, ST.26/2015, ST.27/2015, ST.28/2015 dan ST.29/2015 disahkan.”

16. **Menteri Kewangan** akan mencadangkan:-

“Bahawa Majlis ini mengambil ketetapan iaitu menurut kuasa yang diletakkan padanya oleh Subseksyen (2) Seksyen 6 Akta Eksais 1976 supaya Perintah Duti Eksais (Pindaan) 2014 yang dibentangkan di hadapan Majlis ini sebagai kertas statut bil. ST.30 tahun 2015 disahkan,”

17. PR-1331-U65762

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut."

**[ Perdana Menteri ]**

18. PR-1331-U65853

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi."

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

**[ Menteri Dalam Negeri ]**

19. PR-1331-U65760

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera. "

**[ Perdana Menteri ]**

20. PR-1331-U66345

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan banjir besar di negara."

**[ Perdana Menteri ]**

21. PR-1331-U66346

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan gerakan militan di Malaysia."

**[ Menteri Dalam Negeri ]**

22. PR-1331-U67135

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

**[ Menteri Dalam Negeri ]**

23. PR-1331-U67141

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**

24. **Dato' Seri Abdul Hadi bin Awang [ Marang ]** akan mencadangkan:-

"Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2015 seperti berikut:

i- menggantikan Seksyen 2 dengan seksyen berikut:

"2. Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Senarai 1 Senarai Negeri di bawah Jadual Kesembilan Perlembagaan Persekutuan.";dan

ii- memasukkan selepas seksyen 2 dengan seksyen berikut:

"2A. Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, sesuai dengan kehendak syariah Islam."



**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2014</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST. 81	AKTA DUTI TIMBAL BALAS DAN ANTI-LAMBAKAN 1993 (Akta 504) DAN AKTA KASTAM 1967 (Akta 235) PERINTAH KASTAM (DUTI ANTI-LAMBAKAN) (KAJIAN SEMULA DIPERCEPAT) (No.2) 2014	08 April 2015
ST. 99	AKTA DUTI TIMBAL BALAS DAN ANTI-LAMBAKAN 1993 (AKTA 504) DAN AKTA KASTAM 1967 (AKTA 235) PERINTAH KASTAM (DUTI ANTI-LAMBAKAN SEMENTARA) 2014	08 April 2015

<b><u>TAHUN 2015</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST. 4	Akta Duti Timbal Balas dan Anti Lambakan 1993 (Akta 504) dan Akta Kastam 1967 (Akta 235) Perintah Kastam (Perintah Kastam (Duti Anti-Lambakan) (No. 4) 2013) (Pembatalan) 2014 P.U.(A) 286/2014 yang diwartakan pada 31 Oktober 2014	08 April 2015
ST. 5	Akta Pelindung 2006 (Akta 657) dan Akta Kastam 1967 (Akta 235) Perintah Kastam (Duti Pelindung Sementara) 2014 P.U(A) 327/2014 yang diwartakan pada 11 Disember 2014	08 April 2015
ST. 7	AKTA JALAN PERSEKUTUAN 1959 Perintah Jalan Persekutuan (Lebuh Raya Pintas Selat Klang Utara Baru) 2014	08 April 2015

<b><u>TAHUN</u></b> <b><u>2015</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
ST.26	AKTA KASTAM 1967 Perintah Duti Kastam (Barang-Barang Berasal Dari Negeri-Negeri ASEAN) (Tatanama Tarif Berharmonis ASEAN dan Perjanjian Perdagangan Barangan ASEAN) (Pindaan) 2014 P.U. (A) 247/2014 yang diwartakan pada 29 Ogos 2014 (PIDM) Bagi Tahun 2014	08 April 2015
ST.27	AKTA KASTAM 1967 Perintah Duti Kastam (Barang-Barang di Bawah Perjanjian Rangka Kerja Kerjasama Ekonomi Komprehensif antara ASEAN dan China) (Tatanama Tarif Berharmonis ASEAN) 2014 P.U. (A) 248/2014 yang diwartakan pada 29 Ogos 2014	08 April 2015
ST.28	AKTA KASTAM 1967 Perintah Duti Kastam (Barang-Barang di Bawah Perjanjian Perkongsian Ekonomi Komprehensif antara Negeri-negeri Anggota ASEAN dengan JEPUN) (Pindaan) 2014 P.U. (A) 266/2014 yang diwartakan pada 1 Oktober 2014	08 April 2015
ST.29	AKTA DUTI TIMBAL BALAS DAN ANTI LAMBAKAN 1993 (Akta 504) dan Akta Kastam 1967 (Akta 235) Perintah Kastam (Duti Anti Lambakan) 2015 P.U. (A) 24/2015 yang diwartakan pada 12 Februari 2015	08 April 2015
ST.30	<b>AKTA EKSAIS 1976</b> Perintah Duti Eksais (Pindaan) 2014 P.U. (A) 287 yang diwartakan pada 31 Oktober 2014	08 April 2015

<b><u>TAHUN</u></b> <b><u>2015</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
ST.32	AKTA FI 1951 – PERINTAH FI (PASPORT DAN VISA) (PINDAAN) 2015	08 April 2015
ST.34	AKTA JALAN PERSEKUTUAN 1959 Perintah Jalan Persekutuan (Lebuh Raya Pantai Timur – Fasa 2) 2015	08 April 2015
ST.36	AKTA CUKAI PENDAPATAN 1967 Kaedah-Kaedah Cukai Pendapatan (Potongan Daripada Saraan) (Pindaan) 2014 P.U. (A) 35/2014 yang diwartakan pada 30 Januari 2014	08 April 2015
ST.37	AKTA PETROLEUM (CUKAI PENDAPATAN) 1967 Perintah Petroleum (Cukai Pendapatan) (Pengecualian) (Pindaan) 2014 P.U. (A) 57/2014 yang diwartakan pada 27 Februari 2014	08 April 2015
ST.38	AKTA PETROLEUM (CUKAI PENDAPATAN) 1967 Kaedah-Kaedah Petroleum (Cukai Pendapatan) (Elaun Modal Dipercepatkan) (Medan Marginal) (Pindaan) 2014 P.U. (A) 58/2014 yang diwartakan pada 27 Februari 2014	08 April 2015
ST.39	AKTA CUKAI PENDAPATAN 1967 Perintah Cukai Pendapatan (Pengecualian) 2014 P.U. (A) 150/2014 yang diwartakan pada 4 Jun 2014	08 April 2015
ST.40	AKTA CUKAI PENDAPATAN 1967 Perintah Cukai Pendapatan (Pengecualian) (No.2) 2014 P.U. (A) 166/2014 yang diwartakan pada 20 Jun 2014	08 April 2015

<b><u>TAHUN</u></b> <b><u>2015</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
ST.41	AKTA CUKAI PENDAPATAN 1967 Perintah Cukai Pendapatan (Pengecualian) (No.3) 2014 P.U. (A) 167/2014 yang diwartakan pada 20 Jun 2014	08 April 2015
ST.42	AKTA CUKAI PENDAPATAN 1967 Kaedah-Kaedah Cukai Pendapatan (Potongan Bagi Perbelanjaan Berhubung Dengan Program Pembangunan Vendor) 2014 P.U. (A) 169/2014 yang diwartakan pada 24 Jun 2014	08 April 2015
ST.43	AKTA CUKAI PENDAPATAN 1967 Kaedah-Kaedah Cukai Pendapatan (Potongan Bagi Perbelanjaan Berhubung Dengan Gaji Minimum) 2014 P.U. (A) 206/2014 yang diwartakan pada 14 Julai 2014	08 April 2015
ST.44	AKTA CUKAI PENDAPATAN 1967 Kaedah-Kaedah Cukai Pendapatan (Elaun Modal Dipercepat) (Kelengkapan Teknologi Maklumat Dan Komunikasi) 2014 P.U. (A) 217/2014 yang diwartakan pada 21 Julai 2014	08 April 2015
ST.45	AKTA CUKAI KEUNTUNGAN HARTA TANAH 1976 Perintah Cukai Keuntungan Harta Tanah (Pengecualian) 2014 P.U. (A) 229/2014 yang diwartakan pada 11 Ogos 2014	08 April 2015
ST.46	AKTA PETROLUEM (CUKAI PENDAPATAN) 1967 Kaedah-Kaedah Petroleum (Cukai Pendapatan) (Elaun Modal Dipercepat) (Medan Marginal Petronas) 2014 P.U. (A) 304/2014 yang diwartakan pada 13 November 2014	08 April 2015

<b><u>TAHUN</u></b> <b><u>2015</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
ST.47	AKTA PETROLUEM (CUKAI PENDAPATAN) 1967 Perintah Petroleum (Cukai Pendapatan) (Pengecualian) 2014 P.U. (A) 305/2014 yang diwartakan pada 13 November 2014	08 April 2015
ST.48	AKTA CUKAI PENDAPATAN 1967 Kaedah-Kaedah Cukai Pendapatan (Potongan Bagi Kos Yang Berhubungan Dengan Latihan Untuk Pekerja Bagi Pelaksanaan Cukai Barang & Perkhidmatan) P.U. (A) 334/2014 yang diwartakan pada 17 Disember 2014	08 April 2015
ST.49	AKTA CUKAI PENDAPATAN 1967 Kaedah-Kaedah Cukai Pendapatan (Potongan Bagi Perbelanjaan Berhubung Dengan Yuran Kesetiausahaan Dan Yuran Pemfailan Cukai) P.U. (A) 336/2014 yang diwartakan pada 17 Disember 2014	08 April 2015
ST.50	AKTA CUKAI PENDAPATAN 1967 Kaedah-Kaedah Cukai Pendapatan (Potongan Daripada Saraan) (Pindaan) (No. 2) 2014 P.U. (A) 362/2014 yang diwartakan pada 31 Disember 2014	08 April 2015
ST.51	AKTA DUTI TIMBAL BALAS DAN ANTI-LAMBAKAN 1993 DAN AKTA KASTAM 1967 Perintah Kastam (Duti Anti Lambakan Sementara) (No.2) 2014 P.U. (A) 302/2014 yang diwartakan pada 13 November 2014	08 April 2015
ST.52	AKTA CUKAI PENDAPATAN 1967 Perintah Cukai Pendapatan (Pengecualian) 2015 P.U. (A) 40/2015 yang diwartakan pada Mac 2015	08 April 2015

<b><u>TAHUN</u></b> <b><u>2015</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
ST.54	PERINTAH FI (PERUBATAN) (PINDAAN) 2014	08 April 2015
ST.55	PERINTAH FI (PERUBATAN) (KOS PERKHIDMATAN) 2014	08 April 2015
ST.58	Laporan Tahunan Lembaga Pencegahan Jenayah Tahun 2014	08 April 2015